

# SCRIPTA

---

**Numéro Scripta :** 4666

**Auteur(s) :** Guillaume de Passavant, Le Mans (évêque)

**Bénéficiaire(s) :** Yvrandes, Notre-Dame, dépendance Le Plessis-Grimoult (prieuré)

**Genre d'acte :** charte

**Authenticité :** non suspect

**Datation :** [1173-1187]

**Action juridique :** autre

**Langue du texte :** latin

## Analyse

Guillaume, évêque du Mans, transfère au prieuré d'Yvrandes la dotation constituée par Guillaume de Tracy pour la léproserie de Couesmes.

## Tableau de la tradition

### Éditions principales

a. Musset Lucien, *Cartulaire des possessions de l'abbaye du Plessis-Grimoult pour le département de l'Orne, Le Pays Bas-Normand*, n° 52, 1959, n° 90.

Texte établi d'après a

W. Dei gratia Cenomanensis episcopus, universis fidelibus salutem. Quoniam veritas inter improbos sub scripti auctoritate tutior conservari solet, notum fieri curavimus quod, cum W. de Traceio pro salute sua et patris et matris sue aliorumque predecessorum suorum, apud Coysmes edificasset quandam domum leprosorum, eisque ad suffragium victus de bonis suis elemosinam instituisset, domo illa a leprosis vacante, et aliquandiu a leprosis non habitata, nos, ad petitionem domini regis Anglorum Henrici, universos redditus illius domus Alano clerico fratri supradicti W. dedimus et concessimus. Postmodum autem eodem Alano elemosinam illam sponte sua in manu nostra dimittente, ad mandatum et commonitionem domini regis Anglorum Henrici, et ad preces supradicti Alani, universos redditus domui illi assignatos ecclesie beate Marie de Ivrande pro salute supradictorum W. et patris et matris sue aliorumque predecessorum suorum dedimus et concessimus. Hec sunt beneficia que ecclesie beate Marie de Ivrande mandato supradicti domini regis Anglorum et assensu prefati Alani dedimus in perpetuum et concessimus : W. de Traceio dedit in perpetua elemosina. XI. jugera terre et pratum et molendinum cum molitura hominum suorum, et. L. solidos cenomanensium annuatim ex his locis suscipendos : ex Huelineria XXI sol., ex feodo Hamonis de Agneio XX sol., ex Loreio V sol., et ex feodo Hugonis de Moncorbel V. sol. Gaufridus etiam de Mongerol, intuitu divino et honore suo eisdem leprosis in perpetuum dedit et concessit de censualibus denariis suis quos habebat apud Montauden V sol. cenomanensium in festo omnium sanctorum suscipendos, W. primogenito filio suo hoc concedente, et Hugo de Mongerol similiter de censualibus denariis de Brivis V sol. in festo Sancti Mauricii, Robertus quoque Morehen VII d., Hugo de Basella VI d. singulis annis reddendos et W. Gere decimam molendini de Jarreia, idem etiam W. et Hugo Bretel eisdem leprosis in perpetuum dederunt et concesserunt decimam molendini de Brooteria et Odo de Mongerol decimam molendini de Foles, et idem Odo et Gaufridus de Fonteneio decimam molendini de Fonteneio et W. de Buris decimam molendini sui de Buris, Henricus de Gastinis I arietem et I gallinam annuatim suscipiendos in terra quam idem Henricus habet, de dono W. de Traceio, Torgisius quoque de Traceio eisdem leprosis dedit in perpetuum et concessit duo quartaria frumenti, et Alanus de Sancto Petro XII d. similiter annuatim reddendos, et Hugo de Moncorbel VI d. similiter censuales, W. Espechel similiter VI d. censuales in terra Aalardi quam idem Aalardus et heres suus de leprosis illis tenebunt

liberam et ab omni alio servicio quietam. Huic donationi a nobis facte ecclesie beate Marie de Ivrande interfuerunt : Esgaretus capellanus, Ivo magister scholarum, W. archidiaconus, Eustachius archidiaconus, magister Ernaldus, Robertus capellanus episcopi Bajocensis, Osmondus de Flex, magister Alanus de Buays, Adam clericus et multi alii. Quod ut fidelius conservetur, id litteris annotari et sigilli nostri munimine fecimus communiri.